

## Cudesch da viandar triling

Il 50avel cudesch da la chasa editura Coop, «A pe tras il Grischun» è l'emprim cudesch er en rumantsch.

Il nov cudesch da viandar da la chasa editura dal Coop cuntegna 45 propostas per turas en il «chantun da vacanzas da la Svizra.» Suenter il Tesin ed il Vallais era uss londervi il chantun Grischun. Ils emprims dus cudeschs èn cumparids mintgamai en duas linguas (tudestg e talian, resp. tudestg e franzos). «Quai vulevan ins

far en sasez er tar il cudesch grischun», infurmescha Karl Vögeli, il manader da la Coop Pressa, «alura ans avain nus ditg, per in chantun triling fashain nus er in cudesch en tut las trais linguas chantunalas.» Il cudesch da viandar en tudestg, rumantsch e talian ha pudì vegnir realisà cun il sustegn da la Lia rumantscha. «A pe tras il Grischun» pon ins empustar per fax 056 437 35 55 u internet.

*anr/fa*  
[www.coopzeitung.ch/shop](http://www.coopzeitung.ch/shop)

FOTOS: FLURIN ANDRY/ZVG



*Karl Vögeli, il manader da la Pressa Coop, s'allegra ensemen cun Gion Antoni Derungs, il secretari da la Lia Rumantscha, dal nov cudesch da viandar rumantsch.*